

Aliud

Aurum potabile quod est desumptum ex
Testamento Fratris Basil. Valentini.

Summum atq; primum aurum potabile, quod
DEUS OPT. MAX. in totam naturam collocavit,
est probè excocta, præparata & fixa substantia, la-
pidis nostri universalis, priusquam illa fermentetur,
nulla major, præstantior, & excellentior medicina
universalis, & aurum potabile, potest in
tota natura per orbem universum terræ reperiri,
aut in lucem proferri cœleste siquidem est Balsamum,
quoniam ipsius principia & prima exordia,
ex cœlo originem sumunt, & in terra formantur,
postea verò, post suam summam puritatem, ad
summam perfectionem deducuntur. De quo primo
exordio, primaq; origine, hujus cœlestis substantiæ
ego quidem fusè satis & quantum necessitas
postulat, scripsi, ut hic repetitione non opus
esse existimem.

Quemadmodum verò excocta ejusmodi &
perfecta substantia, summa, principalis & maxima
universalis medicina microcosmi est, sic viceversa
illa ipsa materia, post suam fermentationem
etiam tinctura est, & summa, maxima, & potentissima
est medicina, omnium metallorum, quæ
per hanc ad summam depurationem & valetudinem
perfectam, nempe in purissimum aurum
possunt transformari, & transmutari. Et sic hoc
aurum potabile summum & maximum, atque
universalis est medicina, totius mundi, de quo solo,
multa librorum volumina possent produci.
Quoniam ipsius præparatio antehac in tertia parte
secundum omnes circumstantias est descripta,
&